

ՀԱՅՐԱՊԵՏԱԿԱՆ ԽՕՍՔ ԳՆԱՀԱՏԱՆՔԻ

Հայրական քաղցրագույն սիրով ենք ողջունում այս պատուարեր հանդիսությունը, որով նշում է տասնամեայ վաստակը Հայ Օգնութեան Ֆոնդին (Հ.Օ.Ֆ.), որ բարիքների առատահոս մի աղբիւր եղաւ մեր Մայր Հայրենիքի տառապահար ժողովրդին. Գիւմրիի շրջանում պատահած ահաւորագոյն և աղետալի երկրաշարժին հետևանքով:

Անցնող տասը տարիների ընթացքում Մայր Աթոռ Ս. Էջմիածնի ամենէն կենսունակ թեմերից Ամերիկահայոց Արևելեան թեմը հաստատեց այդ ֆոնդը, որ մեր ժողովրդի ողբերգական ծանր վիճակը թեթևանայ, և մեր հայրենիքն ու ազգը չընկճուին այդ աննկարագրելի աղէտից: Մնունդի, ջուրի անմիջական մատակարարում, հագուստի և դեղորայքի հայթայթում, դպրոցների վերաշինություն, դպրոցական երեխաների լայն օժանդակություն և բազում այլ տեսակի մարդասիրական, ընկերային, բարեգործական շարունակական օգնություններ իսկապէս փրկարար դեր կատարեցին մեր բազմաչափար և զրկեալ ժողովրդի գաւակներին ամենուրեք:

Մեր Հայց. Առաքելական Եկեղեցին Բրիստոսի օրինակին՝ «Բարի Սամարացու» կերպարի ներքոյ կատարեց և կատարում է իր պարտքը՝ մղուած Աստծու և հայ ժողովրդի սիրուց: Որովհետև քրիստոնէական հասկացողութեամբ ՄԷԴ կը նշանակի գոհողություն, ծառայութիւն, գործ ի բարին ի վայելում կարօտեալներին:

Մենք մեր հաւատքի օճախից, Մայր Աթոռ Ս. Էջմիածնից Մեր օրհնութիւնն ենք առաքում թեմի ժուջան Առաջնորդին, թեմական իշխանութեան, Հայ Օգնութեան Ֆոնդի Զանձնախումբին, Հայ Օգնութեան Ֆոնդի անձնակազմին իրենց նուիրեալ աշխատանքի համար:

Աղօթում ենք առ Ամենաբարին Աստուած, որ ցաւը, վիշտը, տառապանքը օրից օր պակասին, և փոխարէն, բարեկեցութիւնը իր տեղը վերգտնի մեր ժողովրդի կեանքում:

Ողջ լեռուք ի Տէր, գորացեալք շնորհօք Սուրբ Հոգւոյն, և յաւետ օրհնեալ ի Մենք, ամէն:

**ԳԱՐԵԳԻՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՑ**

19 Ապրիլի 1999

Ի Մայր Աթոռ Ս. Էջմիածին